

I - UGOVORNE STRANE

1. **JP „Televizija Kantona Sarajevo d.o.o. Sarajevo**, sa sjedištem u ul. Bulevar Meše Selimovića 12 (u daljem tekstu: JP „TVSA“ d.o.o. Sarajevo) koje zastupa Duška Jurišić, direktorica

Naziv banke: UniCredit bank d.d.
Transakcijski račun: 3386902215316670

ID broj: 4200556770003
PDV broj: 200556770003

i

2. **Društvo za reviziju "REVICUS" d.o.o. Zenica**, sa sjedištem u ul. Bulevar Kulina bana 30, Zenica, (u daljem tekstu: Revizor), koje zastupa Hamdija Mujinović, direktor

Naziv banke: Sparkasse bank d.d.
Transakcijski račun: 1990510008079273

ID broj: 421845060006
PDV broj: 21845060006

zaključile su

UGOVOR O JAVNOJ NABAVCI USLUGE REVIZIJA FINANSIJSKIH IZVJEŠTAJA ZA 2020. GODINU

II - PREDMET

Član 1.

Ugovor se zaključuje nakon provedenog postupka javne nabavke usluge – revizija finansijskih izvještaja JP „TVSA“ d.o.o. Sarajevo za 2020. godinu, a na osnovu Odluke o imenovanju vanjskog revizora, broj: 04-183/21 od 04.3.2021. godine, i Odluke o dodjeli ugovora u postupku direktnog sporazuma, broj: 01-506/21 od 10.3.2021. godine.

Član 2.

Predmet ovog ugovora je definiranje uvjeta angažmana Revizora, te područja odgovornosti JP „TVSA“ d.o.o. Sarajevo s jedne strane i Revizora s druge strane.

Član 3.

Revizor se imenuje da izvrši reviziju finansijskih izvještaja JP „TVSA“ d.o.o. Sarajevo za 2020. godinu, o čemu će biti sačinjen odgovarajući izvještaji sa mišljenjem Revizora.

III – OBAVEZE UGOVORNIH STRANA

Član 4.

JP „TVSA“ d.o.o. Sarajevo je odgovorno za vođenje poslovnih knjiga, izbor i primjenu računovodstvenih politika, te za pripremu finansijskih izvještaja koji istinito i objektivno prikazuju finansijsko stanje Preduzeća, rezultate poslovanja i promjene u novčanom toku u skladu sa Zakonom o računovodstvu, Međunarodnim računovodstvenim standardima i ostalim zakonskim propisima.

JP „TVSA“ d.o.o. Sarajevo je obavezno staviti na raspolaganje sve računovodstvene i ostale informacije i objašnjenja koja se smatraju nužnim za ispunjenje obaveza Revizora. Poslovne knjige trebaju sadržavati dokumentaciju pripremljenu od strane JP „TVSA“ d.o.o. Sarajevo koja dokazuje da je svaki iznos u finansijskim izvještajima pripremljen pažljivo i da je u skladu sa odgovarajućim pratećim dokumentima.

Član 5.

Primjena odgovarajućih internih kontrola, prevencija i otkrivanje prevara, grešaka i neusklađenosti sa zakonom i regulativama odgovornost je Uprave JP „TVSA“ d.o.o. Sarajevo. Revizor će nastojati planirati reviziju kako bi sa razumnom mjerom sigurnosti otkrio značajne netačne stavke u finansijskim izvještajima ili računovodstvenim evidencijama, međutim revizija ne mora nužno otkriti sve moguće netačne stavke, prevare, greške i neusklađenosti sa zakonom i regulativama.

Član 6.

Uprava JP „TVSA“ d.o.o. Sarajevo je odgovorna za primjenu poreskih propisa, blagovremeni obračun poreskih obaveza i njihovo plaćanje. Postupci revizije ne moraju nužno otkriti sve greške ili nedostatke koji mogu postojati vezano uz poreske obaveze. Cilj revizije je pribaviti dokaze, da gledano u cjelini, poreske stavke u finansijskim izvještajima ne sadrže materijalno značajne greške.

Revizor ne prihvata odgovornost za neispunjavanje poreskih obaveza JP „TVSA“ d.o.o. Sarajevo, koje (neovisno o tome jesu li tokom revizije otkrivene ili nisu) ne utiču na realnost i objektivnost finansijskih izvještaja. Ovim ugovorom revizor ne preuzima obavezu obavljanja revizije poreza.

Član 7.

Revizor je obavezan izvijestiti Upravu JP „TVSA“ d.o.o. Sarajevo da li, po mišljenju Revizora finansijski izvještaji, u svim materijalnim aspektima, realno i objektivno prikazuju finansijsko stanje Preduzeća, rezultate poslovanja i promjene u novčanom toku i da li su u skladu sa Međunarodnim računovodstvenim standardima.

Pri određivanju mišljenja razmotrit će se sljedeća pitanja ukoliko Revizor nije zadovoljan s nekim od njih:

- da li Preduzeće vodi odgovarajuće poslovne knjige i
- jesu li dobivene sve informacije i objašnjenja koja se smatraju nužnim za obavljanje revizije.

Revizor ima obavezu izvijestiti ukoliko finansijski izvještaji u svim materijalnim aspektima nisu sastavljeni u skladu sa odgovarajućim računovodstvenim standardima, osim ako je, po mišljenju Revizora, neusklađenost uzrokovana opravdanim okolnostima.

Pri utvrđivanju je li neusklađenost opravdana ili nije, Revizor će razmotriti:

- u kojoj mjeri eventualna neusklađenost utiče na realnost finansijskih izvještaja u smislu objektivnog prikazivanja finansijskog stanja, rezultata poslovanja ili promjenama u novčanom toku, i
- da li je neusklađenost adekvatno prikazana.

IV – OBIM REVIZIJE

Član 8.

Revizor će obaviti reviziju u skladu sa Međunarodnim revizijskim standardima koji nalažu provođenje testova knjiženja poslovnih događaja na pozicijama sredstava, obaveza, kapitala, prihoda i rashoda, testova postojanja, testova vlasništva i testova vrednovanja imovine i obaveza. Razumijevanje sistema računovodstvenih i internih kontrola obaviće se do nivoa koji se smatra prikladnim za razmatranje njihove prihvatljivosti kao osnove za pripremu finansijskih izvještaja i za utvrđivanje provođenja odgovarajuće računovodstvene evidencije.

Član 9.

Obim revizije ne obuhvata sva pojedina salda i knjiženja tako da eventualne greške i propusti (neovisno o tome jesu li tokom obavljanja revizije otkriveni ili ne), a koji ne utiču na realno i objektivno prikazivanje finansijskih izvještaja, poreske i druge vlasti mogu ocijeniti prekršajem. Nije obaveza revizije oblikovati ili dati mišljenje ispunjava li JP „TVSA“ d.o.o. Sarajevo (ili ne ispunjava) zakonske propise koji regulišu svakodnevno poslovanje Preduzeća.

Član 10.

Revizija uključuje ocjenu bilo koje značajne procjene Uprave JP „TVSA“ d.o.o. Sarajevo pri pripremi finansijskih izvještaja te ocjenu adekvatnosti odabranih računovodstvenih politika i dosljednost njihove primjene i prezentacije.

V – VRIJEME OBAVLJANJA REVIZIJE

Član 11.

Revizor će održati sastanak sa Upravom Preduzeća u cilju dogovora o značajnim činjenicama za angažman na obavljanju poslova revizije, dinamici i rokovima za realizaciju pojedinih poslova, pristupu i određivanju strategije revizije. Upoznavanje sa organizacijom i osnovnom problematikom iz domena predmeta poslovanja Preduzeća, sagledavanje primjene usvojenih računovodstvenih politika, pregled internih računovodstvenih kontrola i praćenje knjigovodstvene evidencije Revizor će obavljati kontinuirano u toku revizije.

Navedeni revizijski poslovi obaviti će se najkasnije u roku od 15 (petnaest) dana, do potpisivanja Ugovora. Nacrt izvještaja o izvršenoj reviziji sa mišljenjem Revizor je dužan dostaviti najkasnije u roku od 2 dana po okončanju revizije. Očitovanje i eventualne primjedbe na nacrt izvještaja Preduzeće je dužno dostaviti Revizoru u roku od dva (2) dana. Nakon obavljene diskusije po dostavljenom nacrtu, Revizor je dužan konačni izvještaj o izvršenoj reviziji dostaviti u tri (3) primjerka, u roku od jednog dana.

VI – NAKNADA

Član 12.

Naknada se odnosi samo na poslove koji su potrebni kako bi se ispunile obaveze revizora opisane u ovom ugovoru do traženog nivoa i određena je u iznosu od 5.000,00 KM bez PDV-a. Rok plaćanja je 15 dana po uručenju izvještaja o izvršenoj reviziji na transakcijski račun broj: 1990510008079273 otvoren kod Sparkasse bank d.d.

VII – ZAVRŠENE ODREDBE

Član 13.

Na sve što nije predviđeno ovim ugovorom primjenjivaće se odredbe Zakona o obligacionim odnosima.


Član 14.

U slučaju spora po ovom ugovoru nadležan je Sud u Sarajevu.

Član 15.

Ovaj ugovor zaključen je u četiri (4) istovjetna primjerka, od kojih svaka ugovorna strana zadržava po dva (2) primjerka.

"REVICUS" d.p.φ. Zenica


Hamdija Mujinović, direktor

Broj: 03-037/21

Datum: 22.03.2021.



JP "TVSA" d.o.o. Sarajevo


Duška Jurišić, direktorica

Broj: 01-586/21

Datum: 19.3.2021. godine

